

Ո Ր Ո Շ ՈՒ Մ Թ Ի Վ 594/6

Վարչական փույթ նշանակելու մասին

«29» նոյեմբերի 2022թ.

ք. Վանաձոր

ՀՀ ՊԵԿ Արևելյան մաքսատուն-վարչության պետ Գոռ Բակլաջյանս, ուսումնասիրելով Հայաստանի Հանրապետության քաղաքացի Արմեն Աղվանի Սահակյանի /անձն. AS0650648, հասցեն՝ ՀՀ ք. Երևան, Արտաշիսյան փ. 57, 12շ., բն.19/ կողմից, մաքսային կանոնների խախտման վերաբերյալ նյութերը,

Պ Ա Ր Զ Ե Ց Ի

ՀՀ քաղաքացի Արմեն Սահակյանը 2022թ.-ի հունիսի 17-ին Բագրատաշենի մաքսային կետ-բաժնով ՀՀ է ներմուծել ապրանքներ՝ 29կգ ընդհանուր քաշով «BAXI» ջեռուցման կաթսա /համաձայն՝ «Մաքսային մարմինների ժամանակավոր պահպանման պահեստներում մաքսային մարմինների կողմից ապրանքները և տրանսպորտային միջոցները ժամանակավոր պահպանման վերցնելու» թիվ 116 անդորրագրի/, որը նույն օրը հանձնվել է մաքսային մարմինների ժամանակավոր պահպանմանը: Ժամանակավոր պահպանման ժամկետը ավարտվել է 17.10.2022 թվականին: Նշված ապրանքի վերաբերյալ սահմանված ժամկետում Արմեն Սահակյանը մաքսային հայտարարգիր չի ներկայացրել, որի համար կազմվել է ապրանքների և դրանց վերաբերյալ փաստաթղթերի արգելապահման արձանագրություն:

Փաստի առթիվ ՀՀ ՊԵԿ Արևելյան մաքսատուն-վարչության Բագրատաշենի մաքսային կետ-բաժնի ավագ մաքսային տեսուչ-իրավաբանի կողմից 26.10.2022 թվականին Արմեն Սահակյանի նկատմամբ կազմվել է մաքսային կանոնների խախտման վերաբերյալ արձանագրություն «Մաքսային կարգավորման մասին» ՀՀ օրենքի 304-րդ հոդվածի հատկանիշներով:

Նշանակվել է գործի քննություն 29.11.2022 թվականին ժամը 12:00-ին, որի վերաբերյալ վերջինս պատշաճ ծանուցվել է, սակայն վարչական վարույթի լուսմներին չի ներկայացել:

Համաձայն «Մաքսային կարգավորման մասին» ՀՀ օրենքի 332-րդ հոդվածի՝ «Մաքսային կանոնների խախտումների վերաբերյալ գործը քննվում է պատասխանատվության ենթարկվող անձի մասնակցությամբ կամ Վարչական իրավախախտումների վերաբերյալ Հայաստանի

Հանրապետության օրենսգրքի 267-րդ հոդվածով սահմանված դեպքերում՝ տվյալ անձի բացակայությամբ:

Մաքսային կանոնների խախտումների վերաբերյալ գործը կարող է քննվել սույն հոդվածի 1-ին մասում նշված անձի բացակայության դեպքում, եթե անձը բացակայում է, և հայտնի չէ նրա գտնվելու վայրը, կամ եթե նա գտնվում է Հայաստանի Հանրապետության պետական սահմաններից դուրս»:

ԵՏՄ մաքսային օրենսգրքի 101-րդ հոդվածի 1-ին կետի 1-ին պարբերության համաձայն՝ ապրանքների ժամանակավոր պահպանման ժամկետը հաշվարկվում է ապրանքները ժամանակավոր պահպանման հանձնելու համար ներկայացված փաստաթղթերը մաքսային մարմնի կողմից գրանցվելու օրվան հաջորդող օրվանից և կազմում է 4 ամիս՝ բացառությամբ սույն հոդվածի 2-րդ կետում և սույն Օրենսգրքի 259-րդ հոդվածում նշված դեպքերի:

Նույն օրենսգրքի 110-րդ հոդվածի 1-ին կետի համաձայն՝ միության մաքսային տարածք ներմուծվող ապրանքների մասին մաքսային հայտարարագիրը ներկայացվում է մինչև ապրանքների ժամանակավոր պահպանման ժամկետի լրանալը կամ սույն Օրենսգրքով սահմանված այլ ժամկետում:

«Մաքսային կարգավորման մասին» ՀՀ օրենքի 301-րդ հոդվածի 1-ին մասի համաձայն՝ մաքսային կանոնների խախտում է համարվում անձի կատարած անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության պետական սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենքով նախատեսված է պատասխանատվություն:

Նույն հոդվածի 2-րդ մասի համաձայն՝ ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության:

«Մաքսային կարգավորման մասին» ՀՀ օրենքի 304-րդ հոդվածի համաձայն՝ սահմանված ժամկետում մաքսային մարմիններ Միության մաքսային օրենսգրքով կամ սույն օրենքով

սահմանված մաքսային հայտարարագրերը կամ պարտադիր ներկայացման ենթակա այլ մաքսային փաստաթղթերը չներկայացնելը, առաջացնում է տուգանք՝ ֆիզիկական անձանց համար՝ երեսուն հազար դրամի, իսկ պաշտոնատար անձանց համար՝ հիսուն հազար դրամի չափով:

Վարչական վարույթի նյութերի ուսումնասիրության ընթացքում պարզվել է, որ ՀՀ քաղաքացի Արմեն Սահակյանն 2022թ.-ի հունիսի 17-ին Բագրատաշենի մաքսային կետ-բաժնով ՀՀ է ներմուծել 29 կգ ընդհանուր քաշով «BAXI» ջեռուցման կաթսա /հիմք՝ «Մաքսային մարմինների ժամանակավոր պահպանման պահեստներում մաքսային մարմինների կողմից ապրանքները և տրանսպորտային միջոցները ժամանակավոր պահպանման վերցնելու» թիվ 116 անդորրագիրը/: Ժամանակավոր պահպանման ժամկետը ավարտվել է 18.10.2022 թվականին: Նշված ապրանքների վերաբերյալ սահմանված ժամկետում Արմեն Սահակյանը մաքսային հայտարարգիր չի ներկայացրել, ինչի առթիվ 26.10.2022թ.-ին կազմվել է ապրանքների և դրանց վերաբերյալ փաստաթղթերի արգելապահման արձանագրություն:

Այսպիսով նյութերով պարզվել է, որ Արմեն Սահակյանի արարքում առկա է «Մաքսային կարգավորման մասին» ՀՀ օրենքի 304-րդ հոդվածով նախատեսված մաքսային կանոնների խախտման հատկանիշներ:

Ելնելով վերոգրյալից և ղեկավարվելով «Մաքսային կարգավորման մասին» ՀՀ օրենքի 304-րդ, 322-րդ, 334-րդ հոդվածներով և Վարչական իրավախախտումների վերաբերյալ ՀՀ օրենսգրքի 214-րդ, 234-րդ հոդվածներով՝

Ո Ր Ո Շ Ե Ց Ի

1. «Մաքսային կարգավորման մասին» ՀՀ օրենքի 304-րդ հոդվածով նախատեսված մաքսային կանոնների խախտում կատարելու համար, Արմեն Սահակյանին ենթարկել վարչական պատասխանատվության՝ տուգանելով **30000 (երեսուն հազար)** ՀՀ դրամի չափով:
2. Որոշման մասին հայտնել Արմեն Սահակյանին:
3. Պարզաբանել, որ «Մաքսային կարգավորման մասին» ՀՀ օրենքի 334-րդ հոդվածի 2-րդ մասի համաձայն որոշումն ուժի մեջ է մտնում այն կայացնելու պահից և համաձայն նույն հոդվածի 4-րդ մասի՝ Վարչական տույժ նշանակելու մասին մաքսային մարմինների որոշումը կարող է

բողոքարկվել «Մաքսային ծառայության մասին» օրենքի 37-րդ հոդվածով սահմանված կարգով կամ դատական կարգով:

Սույն որոշմամբ նշանակված տուգանքի վճարման հաշվեհամարն է. 900005024055'
(Արևելյան մաքսատուն-վարչություն, ԿՈԴ 29):

ԱՐԵՎԵԼՅԱՆ ՄԱՔՍԱՏՈՒՆ-
ՎԱՐՉՈՒԹՅԱՆ ՊԵՏ



ԳՈՒ ԲԱԿԼԱԶՅԱՆ